

# Auala e Ono e Manatua ai Pea le Faaola

Saunia e Elder Gerrit W. Gong  
O Le Korama a Aposetolo e Toasefululua

**O**vaiaso taitasi, i le aai ma feinu ai i le faamanatuga, tatou te osi feagaiga ai e manatua pea le Faaola. I le faaaogaina o le toeitiiti lava 400 o mau faasino i le upu *manatua*, o auala nei e ono e mafai ona tatou manatua ai pea o Ia.

Muamua, e mafai ona tatou manatua pea o Ia e ala i le mauaina o le mautinoa i Ana feagaiga, folafolaga, ma faamautinoaga.

Lua, e mafai ona tatou manatua pea o Ia e ala i le faailoaina o Lona aao i o tatou olaga atoa.

Tolu, e mafai ona tatou manatua pea o Ia e ala i le faatuatua pe a faamautinoa mai i tatou e le Alii “o ia o lē ua salamo i ana agasala, o ia lava lea ua faamagaloina, ma o A’u, o le Alii, e lē toe manatuaina lava i latou” (MF&F 58:42).

Lona fa, e valaaulia e Ia i tatou ia manatua e Na te faafeiloai pea i tatou i le aiga.

Lima, e mafai ona tatou manatua pea o Ia i le Sapati e ala i le faamanatuga. I le faaiuga o Lana auunaga i la le tino ma le amataga o Lana auunaga toetu—i taimi uma e lua—na ave ane ai e le Faaola le falaoa ma le

uaina ma fetalai mai ia tatou manatua Lona tino ma le toto.

I le sauniga o le faamanatuga, tatou te molimau atu i le Atua le Tama tatou te naunau e ave i o tatou luga le suafa o Lona Alo ma manatua pea o Ia ma tausia Ana poloaiga, ua Ia tuuina mai ia te i latou, ina ia tatou maua Lona Agaga e faatasi ma i tatou (tagai Moronae 4:3; 5:2; MF&F 20:77, 79).

Ma le mea mulimuli, lona ono, ua valaaulia i tatou e lo tatou Faaola ia manatua pea o Ia e pei ona Ia manatua pea i tatou.

Ua tautino mai lo tatou Faaola: “Ioe, atonu e galo ia te i latou, ae o le a le galo ia te a’u oe.

“Faauta, ua Ou togitogia oe i luga o alofilima o o’u lima” (Isaia 49:15–16; tagai foi 1 Nifae 21:15–16).

Ua ia molimau mai: “O A’u o lē na sii a’e i luga. O A’u o Iesu o le na faasatauroina. O A’u o le Atalii o le Atua” (MF&F 45:52).

Ou te molimau atu ma le agaga mauualalo, ma tatalo, o le a tatou manatua pea o Ia—i taimi uma, i mea uma, ma nofoaga uma atonu tatou te i ai (tagai Mosaea 18:9). ■

*Mai se saunoaga i le konafesi aoao ia Aperila 2016.*



Sa soifua ae i **Redwood City, Kalefonia.**

Lagolagoina i le **Korama a Aposetolo e Toasefululua** i le aso 31 Mati, 2018.



E toa 4 le fanau ma fanau a fanau e toa 3.



I le mavae ai o se uunaiga mai le faiaoga o taaloga, sa ia faataitai atu ai mo le **‘au lakapi [amerika]** a le aoga ma sa fiafia i ai!

Faaipoipo atu ia Susan Lindsay i le **Malumalu o Sate Leki** ia Ianuari 1980.



Sa auuana atu o se fesoasoani i le I.S Matagaluega o le Setete i Uosigitone, D.C., i le 1986.



Sa auuana atu o se faifeautalai i le Misiona a Taiuani Taipei.